

tus Ioachim Hopperus, non patriæ tantum Civitatis, sed Frisæ etiam totius, atque adeo Belgicæ dum vixit, lumen & ornamentum. In eadem orti Petrus a Fritema I. C. Albertus Hero Philosophus & Theologus, alique complures. *Stauria*, *Staveren*, in Littore maris Australis porrecta jacet: Ager finitimus planus est, fossis multis & paludibus intercisus. Hodie nihil magnificum habet Civitas, præter Arcem validam Portui Maris imminuentem, cuius fundamenta jacta sunt a Georgio Schenck Frisæ Governatore, nomine Caroli v anno 1510; ut Burgundi eo opportune possent militem & comitatum bello necessarium ex vicinis Hollandiæ Civitatibus transmittere. Plinius incolas videtur *Sturios* appellare lib. i v cap. xv. *Harlinga* ad fauces Maris Australis sita, unico milliari a Franico, agrum habet fertilem, Arcemque contra hostium impetus bene munitam, Portumque loci situ opportunum: nam venientibus ex Septentrionali Frisia & Germania Orientali primam commodamque stationem offert: quocirca plurimi eo confluerunt, loci commoditate illecti, exque varia ista confluge hominum Civitas vehementer aucta est. *Franicum* a Francis denominationem sortitum, patria est Ioannis Vlprii trium linguarum peritissimi. Gymnasium publicum habet. Sunt præterea *Damma*, *Boswardum*, *Ista*, *Sloten*, *Worchum*, *Hindelopen*. Insulæ Frisiorum plures sunt; præcipua vero est *Schellingana*, nobilis Canum marinorum venatione, qui in littore apicantes, saltu incondito rusticorum varie vestitorum longius protrahuntur, protracti dum mare repetunt, capiuntur dispositis in eam rem retibus. *West-frisæ* solet adcenferi *Groeninga*, Frisus finitima, quæ sola cum suo territorio quod vocant *Ommelanden*, Provinciam constituit. Patria hæc fuit Rodolphi Agricola Viri suo seculo doctissimi.

Eidem civitati originem acceptam referunt Wesselus sive Basilius, & Reinerus Predinius Theologi & Philosophi celebres. Frisæ solum lacubus ac paludibus frequentibus abundat (ut supra diximus) ac fluminibus rigatur *Laubaco* (qui aliis *Lavica* & *Labola*, hodie *Lauwers*) & *Amisi*. Habet & a Meridie Sinum longe amplissimum, quem hodie *Zuyder-Zee*, velut Australe fretum, quod in Meridiem vergat, nuncupamus. Status vero Politicus Frisæ tres habet partes principales, quæ sunt: *Oestergou* Comitatus, cuius Metropolis *Leoardia*, & dividitur in *Grieteneyen*, id est Præfecturas has: *Leewarderadeel*, in qua *Leoardia*; *Tietzercksterdeel* in qua *Tietzark*; *Ydarderdeel*, in qua *Ydaert*; *Rauwerderahem*, in qua *Rauwart*; *Ferwerderadeel*, in qua *Ferwert*; *Dongerdeel*, in qua *Wetzens*; *Dantummedeel*, in qua *Dantumma Wolt*; *Acht Kerspelen*, in qua *Suzrhusum*; *Colmerlandt*, in qua *Collum*; *Vesterlandt*, in qua *Beetz*; *Smalingerlandt*, in qua fuit *Smalingerlee* Abbatia Ordinis *S. Benedicti*. *Westergou* Comitatus, in quo sunt *Grieteneyen*, *Wonseradeel*, in qua *Witmarssum*; *Franickeradeel*, in qua *Franicker*; *Banadeel*, in qua *Almerfgae*; *Meynaldummedeel*, in qua *Meynaldum*; *Baerderadeel*, in qua *Bacrdt*; *Hennaraderadeel*, in qua *Hennaert*; *Weynbruizeradeel*, in qua *Gawe*; *Ghoesterlandt*, in qua *Wickel*. *Sevenwolden* Comitatus, in quo sunt *Grieteneyen*, *Donyewerstal*, in qua *Donigae*; *Lemster Vyfgae*, in qua *Lemmer*; *Aengbewert*, in qua *Cathrybandt*; *Schotterlandt*, in qua *Nye* & *Olde Schotten*; *Witingerdeel*, in qua *Olde-horn*; *Hasscher Vyfgae*, in qua *Hasscherhorn*. Tota autem Frisia Occidentalis cum Groeningensibus Episcopo Trajectensi solebat subesse.

A a a

Sequuntur